

之詹仲皇

寄王察院二首

不讀儒書讀道書故人聽我自江湖君今一武登臺省我亦三  
清直殿廬

二

恩怨榮污總不知片雲隻鶴久相期驅磨花月三千界斷送風  
波十二時

菜羹

一卷仙家煮菜經宰夫失笑太官驚藍田山裏空餐玉豈識聞  
韶別是清

道藏輯要

白真入集

三

九

叟集三

扇

懷袖相忘去不能也知輕薄惡蚊蠅南風雖汝持權柄只恐秋  
風見汝憎

中秋月

千崖爽氣已平分萬里青天輾玉輪好向錢塘江上望相逢都  
是廣寒人

舟行

山鎖曉煙迷紫翠花凝宿雨間青紅快帆幸自泛秋綠乞與一  
篙東去風

上清宮方丈後序

三四聲猿叫落月六七竿竹呼起風夜靜無人知此味還他方  
丈拙菴翁

贈吳道士

延陵大士詩中虎接武黃陳肩李杜無鹽爭敢陋西施也向雷  
門聲布鼓

贈何道人

汞虎鉛龍鍊氣神黃芽昨夜一枝春刀圭底事如何會伏虎朱  
砂匱水銀

贈張知堂

清河知堂武當來左日右月雙眼開高臥雲堂留夢醒笑騎白  
道藏輯要

白真人集

三

字

叟集三

鶴歸蓬萊

贈雲谷孔全道

凝神爽氣鍊金丹七返從來有七還昨夜一聲雷霹靂不知人  
已在泥丸

贈葆元

棄儒爲見儒多誤學道緣吾道化賢且把功名權架閣抱琴隨  
我去修仙

贈薛氏繩歌

其青節如竹之青其白氣如梅之白有時抱至假山邊被人喚  
作謫仙客